

სვ

ქ. თბილისი

11 ივლისი 2016 წელი

ერთის მხრივ ქალაქ თბილისის მუნიციპალიტეტის მერია (შემდგომში - შემსყიდველი), წარმოდგენილი ქალაქ თბილისის მუნიციპალიტეტის მერის დავით ნარმანიას სახით და მეორეს მხრივ შპს „ზიმო“ (შემდგომში - მიმწოდებელი), წარმოდგენილი მისი დირექტორის ზურაბ კვიციანიას სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

**1. ხელშეკრულების საგანი, ობიექტი და ხელშეკრულების მოქმედების ვადა**

1.1 ხელშეკრულების საგანია: ქ. თბილისის ბიუჯეტის სახსრებით, ქ. თბილისში, წყნეთი-ახალდაბის დამაკავშირებელი საავტომობილო გზის აღდგენითი სამუშაოების შესყიდვა წინამდებარე ხელშეკრულებით გათვალისწინებული პირობების შესაბამისად, გამარტივებული შესყიდვის საშუალებით, "სახელმწიფო შესყიდვების შესახებ" საქართველოს კანონის მე-10<sup>1</sup> მუხლის III პუნქტის „ბ“ ქვეპუნქტის შესაბამისად (2016 წლის 07 ივლისის N1970 სახელმწიფო შესყიდვების სააგენტოს თავმჯდომარის განკარგულება).

1.2 ხელშეკრულების ობიექტია: ქ. თბილისში, წყნეთი-ახალდაბის დამაკავშირებელი საავტომობილო გზის აღდგენითი სამუშაოები;

1.3 შესყიდვის საშუალება – გამარტივებული შესყიდვა;

1.4 გამარტივებული შესყიდვის ნომერი: №SMP160001830;

1.5 კლასიფიკატორის კოდი: 45233142 - გზის შეკეთების სამუშაოები.

1.6 ხელშეკრულება ძალაში შედის გაფორმებისთანავე და მოქმედებს 2018 წლის 22 დეკემბრის ჩათვლით.

**2. ხელშეკრულების საერთო ღირებულება**

2.1 შესყიდვის ობიექტის ფასი განისაზღვრა ლარებში.

2.2 შესყიდვის ობიექტის საერთო ღირებულება შეადგენს 1 613 875,91 (ერთი მილიონ ექვსასცამეტი ათას რვაასსამოცდათხუთმეტი ლარი და 91 თეთრი) ლარს, ყველა გადასახადის ჩათვლით.

2.3. შესასრულებელი სამუშაოების ღირებულებების დეტალური აღწერა და საორიენტაციო მოცულობები თან ახლავს წინამდებარე ხელშეკრულებას და წარმოადგენს მის განუყოფელ ნაწილს.

**3. სამუშაოს შესრულების პირობები, ვადა და ადგილი**

3.1 სამუშაოების მიწოდების ვადა – ხელშეკრულების გაფორმებიდან 130 (ასოცდაათი) კალენდარული დღე.

3.2 მიმწოდებელი ვალდებულია სამუშაოები დაიწყოს ხელშეკრულების გაფორმებიდან 5 (ხუთი) კალენდარული დღის ვადაში.

3.3 მიწოდების ადგილი - ქ. თბილისი, წყნეთი-ახალდაბის დამაკავშირებელი საავტომობილო გზა;

3.4 სამუშაოების შესრულებისას გათვალისწინებულ უნდა იქნას საქართველოს მთავრობის 2014 წლის 14 იანვრის N55 დადგენილების მოთხოვნები.

3.5 მიმწოდებელმა ობიექტზე თვალსაჩინო ადგილას უნდა განათავსოს მინიმუმ 1 ცალი საინფორმაციო დაფა (100 სმ/80 სმ) შემსყიდველის მიერ გადაცემული ესკიზის შესაბამისად;

3.6 სამუშაოების დასრულების შემდეგ შემსრულებელი ვალდებულია თავისი ძალებით და სახსრებით დაუყოვნებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან, და ა. შ.

**4. შესრულებული სამუშაოს ხარისხი**

4.1 შესრულებული სამუშაოს ხარისხის საგარანტიო ვადად განისაზღვროს საბოლოო მიღება-ჩაბარების აქტის გაფორმებიდან 2 (ორი) წელი.

4.2 ხელშეკრულების ფარგლებში შესასრულებელი სამშენებლო სამუშაოების ხარისხი უნდა შეესაბამებოდეს საქართველოში მოქმედი და ხელშეკრულებით განსაზღვრული სამშენებლო ნორმებითა და წესებით გათვალისწინებულ მოთხოვნებს და სტანდარტებს;

4.3 სამუშაოების დასრულების შემდეგ საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით.

4.4 სამუშაოს ხარისხის დაცვის უზრუნველსაყოფად მიწოდებული სამუშაოს ღირებულებიდან დაკავებული იქნება 5%. დაკავებული 5%-დან 2,5%-ის გადახდა განხორციელდება სამუშაოს სრულად დასრულებისა და საბოლოო მიღება-ჩაბარების აქტის გაფორმების შემდეგ, ხოლო დარჩენილი 2,5%-ის გადახდა მოხდება ხარვეზების აღმოფხვრის და საგარანტიო ვადის გასვლის შემდეგ.

4.5 მიმწოდებლის მხრიდან, საგარანტიო პერიოდის სრული ვადის ამოწურვამდე, დარჩენილ 2,5 %-ზე უპირობო, გამოუთხოვადი საბანკო გარანტიის წარმოდგენის შემთხვევაში, შესაძლებელია განხორციელდეს თანხის გადახდა.

4.6 თუ მიმწოდებელი არ ასრულებს ხელშეკრულების 4.3 პუნქტის მოთხოვნებს მაშინ 4.4 პუნქტით განსაზღვრული დარჩენილი 2,5 % არ ანაზღაურდება.

4.7 თუკი ხელშეკრულების საგარანტიო პერიოდის ვადის გასვლამდე გამოვლენილი ხარვეზების შედეგად შემსყიდველს მიადგა ზარალი დარჩენილ 2,5 %-ზე მეტი ოდნობით, მიმწოდებელი იღებს ვალდებულებას გადაუხადოს შემსყიდველს შესაბამისი ნარჩენი ღირებულება ან აღმოფხვრას წუნი საკუთარი ხარჯებით.

## 5. ხელშეკრულების შესრულების კონტროლი (ინსპექტირება)

- 5.1 ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი.
- 5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლზე ინსპექტირებას შემსყიდველის მხრიდან განახორციელებენ ქალაქ თბილისის მუნიციპალიტეტის მერიის კეთილმოწყობის საქალაქო სამსახურის თანამშრომლები, ხოლო ტექნიკურ ზედამხედველობას ა(ა)იპ თბილისის მუნიციპალური ლაბორატორია.
- 5.3 შემსყიდველი პერიოდულად ახორციელებს ინსპექტირებას, რაზედაც წინასწარ აცხადებს მიმწოდებელს. ხარვეზების გამოვლენის შემთხვევაში დგება შესაბამისი ინსპექტირების ოქმი;
- 5.4 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. მიმწოდებელი ვალდებულია საკუთარი რესურსებით აწარმოოს სამუშაოების ხარისხის კონტროლი, კერძოდ:
- მიმწოდებელი ვალდებულია სამუშაოები განახორციელოს საქართველოში მოქმედი სამშენებლო ნორმებისა და წესების მოთხოვნათა სრული დაცვით, მათ შორის: აწარმოოს სამუშაოების ხარისხის კონტროლი, გამოსაყენებელი მასალების ლაბორატორიული გამოცდები და მოთხოვნის შემთხვევაში წარუდგინოს ტექნიკური ზედამხედველობის განმახორციელებელ პირს გამოყენებული მასალა-ნაკეთობების ხარისხის დამადასტურებელი დოკუმენტაცია (ლაბორატორიული დასკვნები, სერტიფიკატები და სხვა).
- მასალები უნდა ინახებოდეს დახურული წესით, გარდა იმ მასალებისა, რომელიც ნორმების მიხედვით ინახება ღია ცის ქვეშ.
- 5.5 იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

## 6. შესყიდვის ობიექტის მიღება-ჩაბარების წესი

- 6.1 შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. ამასთან სამუშაოების (ან მისი ნაწილის) შესრულების თარიღად ჩაითვლება „შესრულებული სამუშაოების აქტი“ (ფორმა-2) მითითებული სამუშაოთა დასრულების თარიღი;
- 6.2 მიმწოდებელი ვალდებულია მიღება-ჩაბარების აქტის გაფორმებამდე წარმოადგინოს სსიპ „ლევან სამხარაულის სახელობის ექსპერტიზის ეროვნული ბიუროს“ ან სხვა აკრედიტირებული პირის მიერ გაცემული (დასკვნასთან ერთად წარმოდგენილ უნდა იქნას დასკვნის გამგეში პირის აკრედიტაციის დამადასტურებელი დოკუმენტის ასლი) ექსპერტიზის დასკვნა შესრულებული სამუშაოების ღირებულების (ერთეული ფასების) ფაქტიურ დანახარჯებთან შესაბამისობის შესახებ (ექსპერტიზის მომსახურების ღირებულებას ანაზღაურებს შემსყიდველი, სახელშეკრულებო ხარჯთაღრიცხვაში ამ მიზნით გათვალისწინებული ხარჯების ფარგლებში)(საქართველოს მთავრობის 2014 წლის 14 იანვრის N55 დადგენილების მოთხოვნების შესაბამისად).
- 6.3 იმ შემთხვევაში, როდესაც ხარჯთაღრიცხვით განსაზღვრული სამუშაოების მოცულობების ცვლილება არ იწვევს ხელშეკრულების ღირებულების გაზრდას, აღნიშნული სამუშაოების მოცულობები შესაძლებელია შეიცვალოს შეიცვალოს (დაზუსტდეს), აღმოჩენილი შესასრულებელი სამუშაოების გათვალისწინებით, ხელშეკრულების 5.2 პუნქტით განსაზღვრულ პირ(ებ)თან მიღწეული წინასწარი შეთანხმების საფუძველზე, რაზეც გაფორმდება შესაბამისი მიღება-ჩაბარების აქტი.
- 6.4 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინარე ხელშეკრულების მე-5 მუხლის 5.2 პუნქტში მითითებული პირები.
- 6.5 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 6.6 შემსყიდველი ვალდებულია შუალედური ფორმა №2-ის წარმოდგენიდან არაუმეტეს 28 კალენდარული დღის ვადაში, წერილობითი სახით აცნობოს მიმწოდებელს საბოლოო შემოწმების შედეგები დაწუნებული სამუშაოს მოცულობის და წუნდების მიზეზის მითითებით.
- 6.7 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

## 7. ანგარიშსწორება და ანგარიშსწორების ვალუტა

- 7.1 ანგარიშსწორება მოხდება უნაღდო ანგარიშსწორებით ლარში.
- 7.2 ანგარიშსწორება მოხდება 2016 წ. თბილისის ბიუჯეტის სახსრებით, ეტაპობრივად, მიღება-ჩაბარების აქტის გაფორმებიდან 10 (ათი) კალენდარული დღის ვადაში.
- 7.3 შესრულებული სამუშაოების ღირებულება განისაზღვრება შესაბამისი ხელშეკრულების ხარჯთაღრიცხვით გათვალისწინებული ერთეულის ფასების ფარგლებში, ფაქტობრივი დანახარჯების მიხედვით.
- 7.4 იმ შემთხვევაში, თუ ამ ხელშეკრულების მე-16 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინებიდან 10 (ათი) კალენდარულ დღეში მიმწოდებლის მიერ არ იქნა წარმოდგენილი საჯარიმო სანქციით დაკისრებული თანხის გადახდის დამადასტურებელი დოკუმენტი, მიმწოდებელი თანახმაა მიღება-ჩაბარების აქტით განსაზღვრული შესრულებული სამუშაოების ღირებულების ანაზღაურებამდე, ხელშეკრულების პირობების დარღვევის გამო საჯარიმო სანქციით დაკისრებული თანხა შემსყიდველის მიერ მიმართულ იქნეს ბიუჯეტის ერთიან ანგარიშზე, რის შემდეგაც მიმწოდებელს ჩაერიცხება დარჩენილი თანხა.
- 7.5 წინასწარი ანგარიშსწორების (ავანსი) გამოყენება შესაძლებელია საავანსო თანხის იდენტური ოდენობის, უპირობო, გამოუთხოვადი საბანკო გარანტიის წარმოდგენის შემთხვევაში (რომლის მოქმედების ვადა არანაკლებ 60 (სამოცი) კალენდარული დღით უნდა აღმატებოდეს სამუშაოების დასრულების ვადას) ხელშეკრულების საერთო ღირებულების არაუმეტეს 20%-ის ოდენობით. მიმწოდებელმა ავანსის თანხები უნდა გამოიყენოს მხოლოდ ამ შესყიდვებთან დაკავშირებულ ვალდებულებების შესასრულებლად.



7.6 წინასწარი გადახდის თანხების (ავანსი) დაკავება განხორციელდება ქალაქ თბილისის მუნიციპალიტეტის მერის 2014 წლის 4 სექტემბრის №508 ბრძანების შესაბამისად - „ქ. თბილისის მუნიციპალიტეტის ბიუჯეტით განსაზღვრული ასიგნებებიდან ფაქტობრივი ხარჯების გაწევამდე ხელშეკრულებით გათვალისწინებული წინასწარ გადახდილი სახსრების დამოწმების შესახებ“.

7.7 უპირობო, გამოუთხოვადი წინასწარი ანგარიშსწორების (საავანსო) გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან, ეროვნულ ვალუტაში - ლარში.

### 8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში (გარდა მიწოდების ვადის დარღვევისა) მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0,05%-ის ოდენობით.

8.3 ხელშეკრულების გაფორმებიდან სამუშაოების დაწყების 5 (ხუთი) კალენდარულ დღეზე მეტი ვადით გადაცილების შემთხვევაში მიმწოდებელს დაეკისრება საჯარიმო სანქცია ხელშეკრულების ღირებულების 0,05%-ის ოდენობით.

8.4 მიწოდების ვადის დარღვევის შემთხვევაში მიმწოდებელს დაეკისრება პირგასამტეხლოს გადახდა ვადაგადაცილებით წარმოდგენილი და მიღება-ჩაბარების აქტით გაფორმებული დადასტურებული სამუშაოების ღირებულების 0,05%-ის ოდენობით ყოველ ვადაგადაცილებულ დღეზე.

8.5 ხელშეკრულების შეწყვეტის შემთხვევაში მიმწოდებელს ხელშეკრულების შესრულების უზრუნველყოფის საბანკო გარანტია ჩამოერთმევა სრულად შემსყიდველის სასარგებლოდ;

8.6 საჯარიმო სანქციით დაკისრებული თანხა გადახდილ უნდა იქნას ამ ხელშეკრულების მე-16 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინებიდან 10 (ათი) კალენდარული დღის ვადაში.

8.7 ხელშეკრულების 7.2 პუნქტის მოთხოვნის დარღვევის შემთხვევაში შემსყიდველს დაეკისრება პირგასამტეხლო ჩასარიცხი თანხის 0,05 %-ის ოდენობით, ყოველ ვადაგადაცილებულ დღეზე.

8.8 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

### 9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) ხელშეკრულების შესრულების უზრუნველყოფის საბანკო გარანტიის არაუგვიანეს ხელშეკრულების გაფორმებიდან 7 (შვიდი) სამუშაო დღის ვადაში წარმოუდგენლობის შემთხვევაში;

ბ) მიმწოდებლის მიერ ხელშეკრულების გაფორმებიდან სამუშაოების დაწყების 10 კალენდარულ დღეზე მეტი ვადით გადაცილების შემთხვევაში.

გ) მიმწოდებლის მიერ სამუშაოს საბოლოო შესრულების ვადის 10 კალენდარულ დღეზე მეტი ვადით გადაცილების შემთხვევაში.

დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ე) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულების ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.6 ამ მუხლის 9.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოების ღირებულება.

### 10. ხელშეკრულების შესრულების გარანტია

10.1 იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, გამოიყენება გარანტირების მექანიზმის შემდეგი სახე – უპირობო, გამოუთხოვადი საბანკო გარანტია, რომელიც უნდა წარმოადგინოს მიმწოდებელმა ხელშეკრულების გაფორმებიდან 7 (შვიდი) სამუშაო დღის ვადაში, ხელშეკრულების საერთო ღირებულების 5%-ის ოდენობით (სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული წესის 21-ე მუხლის მე-4 პუნქტის საფუძველზე მიმწოდებელი უფლებამოსილია წარმოადგინოს ხელშეკრულების შესრულების საბანკო გარანტია განახევრებული ოდენობით), რომლის მოქმედების ვადა 60 (სამოცი) კალენდარული დღით უნდა აღემატებოდეს ქ. თბილისში, წყნეთი-ახალდაბის დამაკავშირებელი საავტომობილო გზის აღდგენითი სამუშაოების დასრულების ვადას (წარმოსადგენი საბანკო გარანტიის ნიმუში დანართის სახით თან ახლავს ხელშეკრულებას) .

10.2 მიმწოდებელს მისი წერილობითი მოთხოვნის საფუძველზე ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმების შემდეგ.

10.3 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

*შენიშვნა: უპირობო, გამოუთხოვადი ხელშეკრულების შესრულების გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან, ეროვნულ ვალუტაში - ლარში.*

## 11. ფორს-მაჟორი

11.1 ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორსმაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორსმაჟორის შემთხვევაში გათვალისწინებული შედავათები არ ვრცელდება.

11.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

## 12. უსაფრთხოება და გარემოს დაცვა

12.1 მიმწოდებელმა სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

12.2 მიმწოდებელმა უნდა უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების, მუშაობით გამოწვეული ხმაურის, ვიბრაციის და მტვრის გავლენის მინიმუმადე დაყვანა.

12.3 მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

12.4 მიმწოდებელი ვალდებულია სამუშაოები შეასრულოს საქართველოში მოქმედი კანონმდებლობით დადგენილი უსაფრთხოების ნორმების დაცვით. აღნიშნულ ნორმათა დარღვევის შემთხვევაში, მიმწოდებელს ყოველ კონკრეტულ დარღვევაზე დაუკისრება შესაბამისი კანონმდებლობით გათვალისწინებული ჯარიმა.

12.5 ჯარიმის გადახდა მიმწოდებელს არ ათავისუფლებს დარღვევის აღმოფხვრისაგან.

## 13. ხელშეკრულებაში ცვლილებების შეტანა

13.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

13.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

## 14. უფლებების გადაცემა

14.1 ხელშეკრულებით განსაზღვრული ვალდებულებების მთლიანი ან ნაწილობრივი უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

## 15. ღირებულება

15.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

15.2 ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

15.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.  
15.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

### 16. ურთიერთობა ხელშეკრულების დამდებ მხარეებს შორის

16.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

16.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) შემსრულებლის შემდეგი რეკვიზიტები: საკონტ. პირი ბ-ნი ზურაბ კვიციანი, ტელეფონის ნომერი: 599690077; ელექტრონული ფოსტა: zimo@zimo.ge;

ბ) შემსყიდველის შემდეგი რეკვიზიტები: საკონტ. პირი ბ-ნი ჰამლეტ ჭიჭიაშვილი; ტელეფონის ნომერი 599548582; ელექტრონული ფოსტა: ketilmotskoba@tbilisi.gov.ge;

16.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

16.4 შეტყობინება შედის ძალაში ადრესატის მიერ მისი მიღების დღეს.

### 17. სადაო საკითხების გადაწყვეტა

17.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

17.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს

17.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს

17.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

17.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

### 18. სხვა პირობები

18.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

18.2. ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

18.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შემდგენილი და ხელმოწერილი მხარეთა მიერ.

მხარეთა იურიდიული მისამართები და რეკვიზიტები

შემსყიდველი:

ქალაქ თბილისის მუნიციპალიტეტის მერია

დავით ნარმანია

ქალაქ თბილისის მუნიციპალიტეტის მერი



ქალაქ თბილისის მუნიციპალიტეტის მერია  
ქ. თბილისი, ყ. შარტავას ქ. #7  
სახელმწიფო ხაზინა  
TRESGE22  
საიდ. კოდი: 204521794  
ა/ა GE24NB0330100200165022

მიმწოდებელი:

შპს "ზიმო"

ზურაბ კვიციანი  
დირექტორი



შპს "ზიმო"  
ქ. თბილისი, ალ. ყაზბეგის გამზ. N19ა  
სს "საქართველოს ბანკი"  
ბანკის კოდი: BAGAGE22  
საიდ. კოდი: 211338015  
ა/ა: GE81BG000000156442601

ჩვენ, ქვემოთ ხელის მომწერნი და ხელშეკრულების გაფორმებაზე უფლებამოსილი პირი ვადასტურებთ, რომ აღნიშნულ შესყიდვის განხორციელებასთან დაკავშირებით ჩვენი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს 2005 წლის 20 აპრილის კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფებით.

შეთანხმებულია:

ქალაქ თბილისის მუნიციპალიტეტის მერიის მუნიციპალური  
შესყიდვების საქალაქო სამსახურის უფროსი

დავით მორალიშვილთან

ქალაქ თბილისის მუნიციპალიტეტის მერიის საფინანსო  
საქალაქო სამსახურის უფროსი

გაიოზ თალაკვაძესთან

ქალაქ თბილისის მუნიციპალიტეტის მერიის კეთილმოწყობის  
საქალაქო სამსახურის უფროსი

გივი კუბლაშვილთან

ქალაქ თბილისის მუნიციპალიტეტის მერიის კეთილმოწყობის საქალაქო სამსახურის უფროსის მოადგილე

ჰამლეტ ჟიჟიაშვილი -

ქალაქ თბილისის მუნიციპალიტეტის მერიის კეთილმოწყობის საქალაქო სამსახურის თანამშრომელი

დავით ლომინაძე -

**ქ. თბილისში, წყნეთი-ახალღაბის დამაკავშირებელი საავტომობილო გზის  
კვლევითი სამუშაოების საორიენტაციო ხარჯთაღრიცხვა**

№	სამუშაოს დასახელება	განზომ.	რა-ბა	ერთ. ფასი ლარი	საერთო ფასი ლარი
1	2	3	4	5	6
<b><u>1. მოსამზადებელი სამუშაოები</u></b>					
1.1	ტრასის აღდგენა და დამაგრება	კმ	2,77	300,00	831,00
1.2	საპროექტო საგზაო მიწების ფარგლებში არსებული სასმელი წყლის მიწების გადატანა	გრძ.მ	80,00	160,00	12 800,00
1.3	არსებული დაზიანებული ა/ბ-ის საფარის მოხსნა ცივი ფრეზირების მეთოდით საშ. სისქით 8 სმ, დატვირთვა და ტრასპ. დასაწყობების მიზნით	მ <sup>2</sup>	9 300,00	2,45	22 785,00
1.4	გზის გაყოლებაზე არსებული საშ. წნევის გახსადენის მიწისზედა მილის გადატანა	გრძ.მ	500,00	24,00	12 000,00
1.5	არსებული გარე განათების ბოძების და სადენე ხაზების გადატანა, მათ შორის:				0,00
-	ლითონის ბოძები ლამპიონებით	ცალი	20,00	115,00	2 300,00
-	ელ. გადამცემი კაბელები	გრძ.მ	600,00	4,50	2 700,00
<b><u>2. მიწის ვაკისი</u></b>					
2.1	გვერდულების გაწმენდა არსებული გრუნტისაგან გრეიდერით, მოგროვება 20 მ-ზე, დატვირთვა ექსკავატორით და ტრანსპ. ნაყარში	მ <sup>3</sup>	320,00	12,40	3 968,00
2.2	არსებული ვაკისიდან დაზიანებული საფუძვლის (გათიხოვებული მასების) მოხსნა მექანიზმებით საშ. სისქით 10 სმ-ზე, დატვირთვა და ტრანსპ. ნაყარში	მ <sup>3</sup>	1 470,00	12,40	18 228,00
2.3	ფერდობებიდან III კატ. გრუნტის მოხსნა მექანიზმებით, დატვირთვა და ტრანსპ. ნაყარში	მ <sup>3</sup>	5 440,00	16,50	89 760,00
2.4	ფერდობებიდან V კატ. გრუნტის მოხსნა მექანიზმებით, დატვირთვა და ტრანსპ. ნაყარში	მ <sup>3</sup>	3 780,00	27,49	103 912,20
2.5	მიწის ვაკისის ცალკეული ჩამონგრეული მონაკვეთების აღდგენა დიდი ზომის ლოდებით და ქვაყრილით	მ <sup>3</sup>	1 720,00	55,00	94 600,00
2.6	მიწის ვაკისის ფორმირება ყრილებში, კარიერიდან შემოტანილი ქვიშა-ხრეშოვანი გრუნტით	მ <sup>3</sup>	3 250,00	16,40	53 300,00
2.7	კიუვეტების გაჭრა მექანიზმებით III-V კატ. გრუნტებში, დატვირთვა და ტრანსპ. ნაყარში	მ <sup>3</sup>	240,00	13,50	3 240,00
2.8	კიუვეტების გაჭრა III კატ. გრუნტებში ხელით, დატვირთვა ხელით და ტრანსპ. ნაყარში	მ <sup>3</sup>	35,00	19,27	674,45
2.9	არსებული ვაკისის მოშანდაკება მექანიზირებული წესით, ზედაპირის პროფილირებით	მ <sup>2</sup>	20 300,00	0,04	812,00
2.10	ჭრილისა და ყრილის ფერდების მოშანდაკება მექანიზირებული წესით	მ <sup>2</sup>	9 285,00	0,06	557,10
<b><u>3. ხელტენური ნაგებობები</u></b>					
3.1	პკ 7+52 ზე რკინა-ბეტონის ახალი მილის კვ d-1.5 მ მოწყობა L-12,0 მ	ცალი	1	26 450,00	26 450,00

№	სამუშაოს დასახელება	განზომ.	რა-ბა	ერთ. ფასი ლარი	საერთო ფასი ლარი
1	2	3	4	5	6
3.2	პკ 9+75 ზე რკინა-ბეტონის ახალი მილის d-1,0 მ მოწყობა L-11 მ	ცალი	1	19 530,00	19 530,00
3.3	პკ 19+62 ზე რკინა-ბეტონის ახალი მილის d-1,0 მ მოწყობა L-10 მ	ცალი	1	12 540,00	12 540,00
3.4	პკ 14+74 ზე არსებული ლითონის მილის d-1,0 მ შეკეთება L-11,5 მ	ცალი	1	8 210,00	8 210,00
3.5	პკ 26+96 ზე არსებული რკინა-ბეტონის მილის d-1,0 მ დაგრძელება				
-	არსებული მილიდან სარეგულაციო კედლამდე არსებული მოედნის ნიშნულზე მოყვანა ქვიშა-ხრეშოვანი გრუნტით	მ <sup>3</sup>	70,00	13,50	945,00
-	ქვიშა-ხრეშოვანი საგები h-30 სმ	მ <sup>3</sup>	5,40	26,40	142,56
-	რკინა-ბეტონის d-1,0 მ L-1,0 მ მილის რგოლი	ც	10,00	167,10	1 671,00
-	ბიტუმით გაუღვნილი ძენძი	კბ	18,00	2,10	37,80
-	წასაცხები ჰიდროიზოლაცია (2 ფენა)	მ <sup>2</sup>	34,20	8,94	305,75
-	ასაკრავი ჰიდროიზოლაცია (გადაბმის ფარგლებში)	მ <sup>2</sup>	10,80	20,10	217,08
-	სარეგულაციო კედლთან ბეტონის პორტალის მოწყობა B22,5 F200 W6	მ <sup>3</sup>	2,80	207,01	579,63
-	დარჩენილი სივრცის დაფარვა ქვიშა-ხრეშოვანი გრუნტით	მ <sup>3</sup>	50,00	5,46	273,00
3.6	რკინა-ბეტონის კიუვეტების მოწყობა (1560 გრძ.მ)				
-	კიუვეტებისათვის ქვაბულის დამუშავება მექანიზმებით, დატვირთვა და ტრანსპ. ნაყარში	მ <sup>3</sup>	1 520,00	8,70	13 224,00
-	გრუნტის დამუშავება ხელით, ადგილზე მოსწორებით	მ <sup>3</sup>	42,00	19,57	821,94
-	ქვიშა-ხრეშოვანი საგები h-10 სმ	მ <sup>3</sup>	140,00	21,19	2 966,60
-	ბეტონის საგები B15, h-10 სმ	მ <sup>3</sup>	125,00	105,12	13 140,00
-	კიუვეტების მოწყობა რკინა-ბეტონის ანაკრები ბლოკებით B30 F200 W6	მ <sup>3</sup>	405,60	145,15	58 872,84
-	კედლისუკანა სივრცის შევსება ქვიშა-ხრეშოვანი გრუნტით	მ <sup>3</sup>	285,00	13,32	3 796,20
3.7	რკინა-ბეტონის კიუვეტების მოწყობა (7.5 გრძ.მ)				
-	კიუვეტებისათვის ქვაბულის დამუშავება მექანიზმებით, დატვირთვა და ტრანსპ. ნაყარში	მ <sup>3</sup>	8,00	8,70	69,60
-	გრუნტის დამუშავება ხელით, ადგილზე მოსწორებით	მ <sup>3</sup>	1,00	19,57	19,57
-	ქვიშა-ხრეშოვანი საგები h-10 სმ	მ <sup>3</sup>	0,70	21,19	14,83
-	ბეტონის საგები B15, h-10 სმ	მ <sup>3</sup>	0,60	105,12	63,07
-	კიუვეტების მოწყობა რკინა-ბეტონის ანაკრები ბლოკებით B30 F200 W6	მ <sup>3</sup>	2	152,00	304,00
-	კიუვეტებზე რკინა-ბეტონის გადახურვის ფილების მოწყობა B30 F200 W6	მ <sup>3</sup>	0,60	196,00	117,60
-	კედლისუკანა სივრცის შევსება ქვიშა-ხრეშოვანი გრუნტით	მ <sup>3</sup>	1,00	13,32	13,32
	<b>4. საგზაო სამოსი</b>				
	<b>ტიპი I</b>				
4.1	ქვესაგები ფენის მოწყობა ქვიშა-ხრეშოვანი ნარევით h-20 სმ	მ <sup>3</sup>	1 570,00	15,24	23 926,80

№	სამუშაოს დასახელება	განზომ.	რა-ბა	კრთ. ფასი ლარი	საერთო ფასი ლარი
1	2	3	4	5	6
4.2	საფუძვლის მოწყობა ქვიშა-ლორღით (0-40 მმ), h-15 სმ	მ <sup>3</sup>	2 330,00	24,78	57 737,40
4.3	თხევადი ბიტუმის მოსხმა (0,7 ლ/მ <sup>2</sup> )	ტ	9,87	899,45	8 877,57
4.4	საფარის ქვედა ფენის მოწყობა მსხვილმარცვლოვანი ფოროვანი ა/ბ-ის ცხელი ნარევით, მარკა II, h-5 სმ	მ <sup>2</sup>	14 100,00	13,20	186 120,00
4.5	თხევადი ბიტუმის მოსხმა (0,4 ლ/მ <sup>2</sup> )	ტ	5,64	899,45	5 072,90
4.6	საფარის ზედა ფენის მოწყობა წვრილმარცვლოვანი მკვრივი ა/ბ-ის ცხელი ნარევით, ტიპი „ბ“, მარკა II, h-4 სმ	მ <sup>2</sup>	14 100,00	11,90	167 790,00
4.7	მისაყრდელი გვერდულების მოწყობა ქვიშა-ხრერშოვანი ნარევით	მ <sup>3</sup>	645,00	15,24	9 829,80
	<b>ტიპი II</b>				
4.8	ნამგლისებური პროფილის საფარის მოწყობა ქვიშა-ხრერშოვანი ნარევით h-25 სმ	მ <sup>3</sup>	530	16,50	8 745,00
	<b>5. გზის კუთვნილება და მოწყობილობა</b>				
5.1	მიერთებების მოწყობა	ცალი	2		0,00
-	არსებული ვაკისის მოშანდაკება მექანიზირებული წესით, ზედაპირის პროფილირებით	მ <sup>2</sup>	105,00	0,04	4,20
-	საფუძვლის მოწყობა ქვიშა-ლორღით (0-40 მმ), h-15 სმ	მ <sup>3</sup>	12,00	24,78	297,36
-	თხევადი ბიტუმის მოსხმა (0,7 ლ/მ <sup>2</sup> )	ტ	0,07	899,45	62,96
-	საფარის ქვედა ფენის მოწყობა მსხვილმარცვლოვანი ფოროვანი ა/ბ-ის ცხელი ნარევით, მარკა II, h-5 სმ	მ <sup>2</sup>	100,00	13,20	1 320,00
-	თხევადი ბიტუმის მოსხმა (0,4 ლ/მ <sup>2</sup> )	ტ	0,04	899,45	35,98
-	საფარის ზედა ფენის მოწყობა წვრილმარცვლოვანი მკვრივი ა/ბ-ის ცხელი ნარევით, ტიპი „ბ“, მარკა II, h-4 სმ	მ <sup>2</sup>	100,00	11,90	1 190,00
-	მისაყრდელი გვერდულების მოწყობა ქვიშა-ხრერშოვანი ნარევით	მ <sup>3</sup>	4,00	15,24	60,96
5.2	ბეტონის ბორდიურების მოწყობა (კვ 0+00 - 4+10)				
-	გრუნტის დამუშავება ხელით, ადგილზე მოსწორებით	მ <sup>3</sup>	16,50	19,57	322,91
-	ქვიშა-ხრერშოვანი საგები h-10 სმ	მ <sup>3</sup>	12,30	21,19	260,64
-	ბორდიურის ფუნდამენტის ბეტონი B15	მ <sup>3</sup>	28,70	105,12	3 016,94
-	ბეტონის ბორდიური კვ. 15X30 სმ. B25 F200 W6	გრძ.მ	820,00	21,10	17 302,00
5.3	საგზაო ნიშნების მოწყობა				
-	სტანდარტული პროექტირების საგზაო ნიშნები II ტიპიური ზომის	ცალი	24,00	63,00	1 512,00
-	ლითონის დგარები სიგრძით 3,5 მ	ცალი	16,00	50,00	800,00
-	დგარების ფუნდამენტის ბეტონი B15	მ <sup>3</sup>	2,20	105,12	231,26
5.4	საგზაო ნაწილის მონიშვნა თეთრი ნიტროემალით, გაუმჯობესებული ხილვადობის შუქლამაბრუნებელი მიწის ბურთულაკებით	მ <sup>2</sup>	256,40	8,37	2 146,07
5.5	საგზაო შემოფარგვლა				
-	სპეკპროფილის ბეტონის პარაპეტების მოწყობა (შეღებვის გათვალისწინებით)	ცალი	140,00	195,00	27 300,00
-	პლასტმასის მიმმართველი სასიგნალო ბოძკინტების მოწყობა	ცალი	205,00	34,00	6 970,00
<b>ს უ ლ</b>					<b>1 17 725,89</b>

№	სამუშაოს დასახელება	კანზომ.	რა-ბა	ერთ. ფასი ლარი	საერთო ფასი ლარი
1	2	3	4	5	6
	ზედნადები ხარჯები 10%				111 772,59
	ს უ ლ				1 229 498,48
	გეგმიური დაგროვება 8%				98 359,88
	ს უ ლ				1 327 858,35
	გაუთვალისწინებელი სამუშაოები 1.98%				26 291,60
	ს უ ლ				1 354 149,95
	დღგ 18%				243 746,99
	ს უ ლ				1 597 896,94
	ექსპერტიზის ღირებულება 1%				15 978,97
	მთლიანი ჯამი				1 613 875,91




ქალაქ თბილისის მუნიციპალიტეტის მერია

დავით ნარმანია

ქალაქ თბილისის მუნიციპალიტეტის მერი

შპს "ზიმო"

ზურაბ კვიციანი  
დირექტორი



დანართი

ხელშეკრულების შესრულების საგარანტიო უზრუნველყოფა  
(საბანკო გარანტია)

ვის: \_\_\_\_\_

(შემსყიდველის დასახელება)  
მხედველობაში ვიღებთ რა, რომ

\_\_\_\_\_

(მიმწოდებლის დასახელება)  
შემდგომში „მიმწოდებელმა“ \_\_\_\_\_ ხელშეკრულებით  
გათვალისწინებული პირობების შესაბამისად  
(ტენდერის დასახელება)

იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია. ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე:

\_\_\_\_\_

(თანხა ციფრობრივად, სიტყვიერად, ვალუტის მითითებით (ლარი))  
და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.  
წინამდებარე გარანტია ძალაშია \_\_\_\_\_

გარანტების ხელმოწერა და ბეჭედი

\_\_\_\_\_

\_\_\_\_\_

\_\_\_\_\_

(თარიღი)

\_\_\_\_\_

(მისამართი)